

# Razija Hodžić - Završni magistarski rad

Fakultet/Akademija	FILOZOFSKI FAKULTET
Tip Rada	Završni magistarski rad
Kandidat, zvanje	Razija Hodžić
Naziv Teme	Bračno nezadovoljstvo kao prediktor međupartnerskog nasilja
Rezime/Abstract	S obzirom na sve češću pojavu međupartnerskog nasilja ovim istraživanjem ispitivali smo koliko nezadovoljstvo brakom može biti prediktor međupartnerskog nasilja. Istraživanje je obuhvatilo stovadeset ispitanika starosne dobi od dvadeset pet do pedeset pet godina. Prvu skupinu ispitanika sačinjavao je prigodan uzorak od šezdeset ispitanika ili trideset bračnih parova kod kojih su evidentirani poremećeni bračni odnosi, te prijavljeno nasilje u porodici od strane jednog bračnog partnera. Drugu skupinu ispitanika sačinjavao je šezdeset ispitanika ili trideset bračnih parova kod kojih nisu evidentirani poremećeni bračni odnosi i nije prijavljeno nasilje u porodici. Ispitanici u ovom istraživanju bili su sa područja općine Kladanj. U istraživanju su korištene Skala zadovoljstva životom, Skala uspješnosti rješavanja bračnih konfliktata, Skala bračne stabilnosti i Upitnik sociodemografskih podataka. Na osnovu dobivenih rezultata utvrđeno je da ispitanici kod kojih su evidentirani poremećeni bračni odnosi i došlo je do prijave nasilja u porodici imaju niže zadovoljstvo životom, bračnu stabilnost i nižu uspješnost rješavanja bračnih konfliktata za razliku od grupe ispitanika kod kojih nisu evidentirani poremećeni bračni odnosi i nije došlo do prijave nasilja u porodici. Na osnovu dobivenih rezultata istraživanja došli smo do saznanja da obje grupe ispitanika imaju stabilniji brak ukoliko su zadovoljniji životom. Ispitanici kod kojih su evidentirani poremećeni bračni odnosi i kod kojih je došlo do prijave nasilja u porodici znatno uspješnije rješavaju bračne konflikte ukoliko su zadovoljni životom, dok se značajne razlike u tom pogledu nisu pokazale kod ispitanika kod kojih nisu evidentirani poremećeni bračni odnosi. Na skali bračne stabilnosti i uspješnosti rješavanja bračnih konfliktata u odnosu na spol, rezultati pokazuju na značajnu razliku u korist muških ispitanika, odnosno da muškarci značajno više osjećaju bračnu stabilnost i uspješnije rješavaju bračne konflikte, dok kod grupe ispitanika kod kojih nisu evidentirani poremećeni bračni odnosi, nije pokazao značajne spolne razlike ni na jednoj od skala. Dob ispitanika u ovom istraživanju podjelili smo u tri kategorije i to: prvu grupu čine ispitanici od 25 do 35 godina, drugu grupu čine ispitanici od 36 do 45 godina i treću grupu čine ispitanici od 46 do 55. godina. Razlike kod ispitanika u odnosu na zadovoljstvo životom, bračnu stabilnost i uspješnost rješavanja bračnih konfliktata je to da ne postoji značajne razlike u odnosu na dob. Ispitanici sa prosječnim mjesečnim primanjima zadovoljniji su životom i imaju veću bračnu stabilnost u odnosu na ispitanike koji i imaju ispod prosječna mjesečna primanja. Bračni partneri kod kojih su evidentirani poremećeni bračni odnosi i došlo do prijave nasilja u porodici, a koji imaju prosječna mjesečna primanja su značajno više zadovoljniji životom i osjećaju značajno više bračnu stabilnost od ispitanika koji ostvaruju ispodprosječna mjesečna primanja. Primjetne su visoke korelacije zadovoljstva životom, bračne stabilnosti i uspješnosti rješavanja bračnih konfliktata kod bračnih parova kod kojih su evidentirani poremećeni bračni odnosi, dok se kod bračnih partnera kod kojih nisu evidentirani poremećeni bračni odnosi pokazala povezanost nižeg inteziteta.
Datum	11.01.2016
Predsjednik	Dr.sc. Elvis Vardo, docent izabran za užu naučnu oblast „Primijenjene naučne psihološke discipline“ na Filozofskom fakultetu Univerziteta u Tuzli
Mentor	Dr.sc. Tamara Efendić Spahić, docent izabran za užu naučnu oblast „Teorijske naučne psihološke discipline“ na Filozofskom fakultetu Univerziteta u Tuzli
Član komisije	Dr.sc. Erna Emić, docent izabrana za užu naučnu oblast „Teorijske naučne pedagoške discipline“ na Filozofskom fakultetu Univerziteta u Tuzli
Član komisije	-
Član komisije	-
Zamjenski član	doc. dr. Ljubica Tomić Selimović
Dodatni detalji i lokacija	Dana 11.01.2016. godine u 12:00 sati na Filozofskom fakultetu Univerziteta u Tuzli
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.